

تورکستانہ مسلمان حرکتی

روسیہ شدہ شورار حکومتی وضعیتی

بز کچنلرہ یازدیغمز بر مقالہ نہ غیر طبیعی احوالک دوام ایدہ -
مہ جکئی، قومونیزم کی غیر قانونی حیاتلرک ہر زمان انسانلرہ موقت
بر خستہ لق قیلندن کلوب کچیجی سریع الزوال بر وضعیت اولہ جغنی
قید ایتشدک . بو صوک ہفتہ ظرفندہ کرک روس غزتہ لری، کرک
روسہ وضعیتی حقندہ بیان مطالعہدہ بولونان اجنبی غزتہ لری قومو -
نیستلرک مہلکیہ، اوچورومہ دوغری کیتمکدہ اولدقلرینی
کوستریبور، «برہس دوسوار» ۱۱۰ نومرولو نسخہ سندہ «تایس» دن
نقلاً دیورک:

روسیہدہ وضعیت چوق قنادر، شہر وبلدہ لردہ ساکن آدملر
تدریجاً ٹولمکدہ، بالخاصہ اوقرانیادہ اہالیٹک منوران قسمی آہستہ
آہستہ حیات آغرلغندن البسہ سزلک و آچلغہ تحمل ایدہ مہرک وفات
ایتمکدہدر . عادی بر قات البسہ یوز الی، ایکی یوز روبلہ آلتون پارہ
حسابنہ درک بر مأمورک اوچ آیلق معاشی بدلی دیمکدر .

کویلرہ ایسہ حیات بر درجہ یولہ کیرمشدر . چونکہ کویلرہ
البسہ اسبابی کندیلری، قادیئلر، قیزلر ال ایشلریلہ تأمین ایتمکہ
باشلامشدر . لکن بو، بر فکر وتدبیر محصولی اولیوب سوق ضرورتلہ حصولہ
کلن بروضعیتدر . کویلرلر نظرندہ قومونیزم بر معماکی تاقی اولندیغندن
بولشہ ویکلرہ بعضاً سلاح ایلہدہ مقابلہ ایتمکدہ لردہ . کویلرلر حیاتندہ
قومونیزم کلمہ سی غایت منفور برشی اولوب «خیرسز، یان کسچی،
معاشنہ استعمال اولتمکدہدر . دینسزلک کویلرلر آردہ سنہ قطعاً کیرمہ -
مشدر . کویلرلر حکومت آدملرینہ ہیچ امنیتلری قالمامشدر . بالخاصہ
اوقرانیادہ حکومت آدملری لغتلہ یاد اولئیور .

تورکستان قیامی، قومونیزملری بوسوتون شاشیرتمشدر . تورکستان
اختلالہ قارشی، قومونیزملر قویان ولایتندن عسکر سوقہ مجبور
اولدیلر . تورکستانہ بولنان عسکرلر اختلاجیلرہ التحاق ایتدیلر .
صوک کونلرہ اورال واورنبورغ قازاقلری تورکستان شمندوفر خطنی
کسشلردہ . اختلاجیلر بیاننامہ لرنده کندیلرینک یالکیز قومونیزملرہ
قارشی قیام ایتدکلرینی اعلان ایدیورلر . «بز مملکتتمیزی تخریب
ایتمش اولان قومونیزم حکومتہ قارشی صوک بر آدم قانچہ قدر
محاربہ ایدہ جکیز .» دیورلر . بخارادہ بولنان روس عسکرینک
مرکز ایلہ علاقہ سی کسيلمشدر . خیوہدہ بولشہ ویک عسکری قالمامشدر .
حکومت تمامیلہ اختلاجی تورکملر لندہدر . تورکملر ایسہ عمومیتلہ
قیام ایتمشدر .

الہیات فا کولہ سنہ مخصوص تالی بر قسم قبول وتأسیسی ایجاب ایدرکہ
ائمہ وخطبا یتشدیردک بوقسم اختصاص دینی درجہ سنہ قابل خطاب
اولہ بیلہ جک طلبہدہ حاضر لامش اولسون . اکر بویلہ یاپیلمازدہ موجود
لیسہ پروغراملری کافی عد اولئورسہ ہم فا کولہ نک کنج مداوملرینہ،
ہم دہ ملتک ہبا اولہ جق مصرفہ شیمدین آجیمق اقتضا ایدر .

یوق، فا کولہ نک تدریس سنہ لری تمدید اولنہرق پروغرامی تالی
وعالی قسملرینی محتوی اولہرق تنظیم ایدیلہ جک اولورسہ تالی قسمنک
فا کولہ تعیرینک دائرہ شمولنہ ادخال ایدلسی ہم بر آرز کولنج،
ہم دہ احتیاجی تطمینہ غیر مساعد اولمش اولور .

بوخصوصدہ یاپیلہ جق شی فا کولہ نک خارجہ ائمہ وخطبا یتشدیرہ جک،
ہم دہ فا کولہ مدرسلرینک خطابنہ الوریشلی، قابلیت طلبہ احضار
ایلہ جک تالی مدرسہ لر مختلف مواقعہدہ تأسیس وکشد ایدلمیدر .

ہرہانکی بر شکل وصورندہ اولورسہ اولسون دینی متخصصلر
یتشدیرہ جک الہیات فا کولہ سنہ تالی بر قسم دوشونلر وحاضر لئمازیسہ
دینی متخصصلر یتشدیرمک آرزو واملی دہ دائماً بر آرزو وامل اولق
درجہ سنی قطعاً کچہ مز . ہر زمان ایچون دینی متخصصلرہ احتیاجمز
درکار و حال حاضرہ نظراً بومتخصصلرک یکانہ منشائی دہ مادامکہ الہیات
فا کولہ سی اولہ جقدر، بناء علیہ کسب اہمیت وزاکت ایدن بومستلہ
اطرافندہ دینی متخصصلرک طویلانہرق عریض وعمیق دوشوندکدن
صکرہ تالی وعالی اولہرق ایکی پروغرام احضار ایللری، ایتدیرلمسی
صورت قطعہدہ الزمدر .

بومستلہ اصلاً اہمالی جائز اولیان بر حقیقتدرکہ ایر، کیچ مطلقاً تجلی
ایتمک ضروریدر .

معارف سیاستمزی تدویر ایدہ جک اولیای امورک بونی نظرندن
قاجیر مامسی ایجاب ایدر . اساساً سیاستدہ اک کوزل تدبیر وچارہ موفقیت،
حقی دائماً حق اولدینی ایچون قبول ایتمکدر .

فوجحصار : تخصیص

الہیات فہمیلی ایچونہ اردرباہ طلبہ کومر بیلر می ؟

وقت غزتہ سندہ شویلہ غریب بر حوادث کورولمشدر :

«۳۳۱ سنہ سندہ ملغا خارجیہ نظارتی واسطہ سبلہ معارف ناظری شکری
بک زمانندہ بر آلمان، دارالفنونہ مراجعت ایتش وایکی تورک طلبہ سنک آلمان
دارالفنونلرنده الہیات تحصیل ایچون بر ہبہدہ بولونمشدی . بو ہبہ آلیوم
دوپیچہ بانقدہ اولوب امانت بوبارا ایلہ ایکی طلبہ کی تحصیلہ کوندرمہ جکدر .»
اوروپاہ فن وصنعت تحصیل ایچون طلبہ کوندریلمسی آکلارز .
فقط (الہیات) تحصیل ایچون دارالفنون امانتک اوروپاہ طلبہ کوندرمسک
ہیچ بر معناسی یوقدر . پاپاس یتشدیرمک ایچون تأسیس اولونان اوروپا
الہیات فا کولہ لرینہ طلبہ کوندرمکہ قانچیشمقدن ایسہ بو پارہ ایلہ بزم
دارالفنونندہ فقہ، اصول فقہ، کلام وتصوف درسلرینی تأسیس ایتمک دہا مناسبدر .